

١- (ليه بندعي ربنا والدعاء مبيستجيش .. برغم ربنا

قال: (أجيب دعوة الداع إذا دعان)؟

(وَإِذَا سَأَلَكَ عِبَادِي عَنِّي فَإِنِّي قَرِيبٌ أُجِيبُ دَعْوَةَ الدَّاعِ إِذَا دَعَانِ فَلْيَسْتَجِيبُوا لِي وَلْيُؤْمِنُوا بِي لَعَلَّهُمْ يَرْشُدُونَ)

الموضوع كله يتلخص في كلمتين (عبادي) و(عني)

١- لازم تكون عبداً لله

٢- لازم تعرف من هو الله إلهي بتدعيه

كلنا عبيد لله، لكن لسنا جميعاً عباد لله ..

عبيد بحكم أن الله خالق كل شيء فكلنا عبيد لخالق

لكن عباد فبحكم أنك عابد لخالق عرفته فأحبته فأصبح

قريب علشان كده ربنا قال لإبليس :

(إِنَّ عِبَادِي لَيْسَ لَكَ عَلَيْهِمْ سُلْطَانٌ)

وبديهيّاً قبل ما بتطلب حاجة من حد لازم تكون عارفه الأول !

لو تعرفت على ربنا وعرفت صفاته ووثقت في تدابيريه وأفعاله

وتعلمت التسليم لحكمته وتأكدت من حبه ليك وفهمت طبيعة

الصلة بينك وبينه .. والحكمة من وجودك .. ساعتها هتكون عابد

عارف بتطلب (ليه) من (مين)!

لأنك طول ما إنت إنسان عادي موصلتش للعبودية .. هتطلب
إللي نفسك فيه .. مش المناسب ليك !

وده فرق كبير ..

(وَيَدْعُ الْإِنْسَانُ بِالشَّرِّ دُعَاءَهُ بِالْخَيْرِ وَكَانَ الْإِنْسَانُ عَجُولًا)

فَلْيَسْتَجِيبُوا لِي ..

يعني مفترض بتفكيرنا البشري تكون :

(هستجيب لكم إذا دعوتوني مش العكس) !

وهنا لب فكرة الدعاء .. إن مش هستجاب لك غير ما
تستجيب الأول لله وتؤمن به وتكون عابد وليس مجرد عبد ..

ساعتها أصلاً مش هتسأل ربنا غير بالخير .. ومش هترضى
غير بإختيارات الله فهتبدأ تشعر بالإستجابة في كل دعاء ولازم
هتوصل للرشد في الإجابة (لَعَلَّهُمْ يَرْشُدُونَ)

(من شغله ذكرى عن مسألتى أعطيته أفضل ما أعطى
السائلين) حديث قدسي

لو صدقت إنه ما منعك إلا ليعطيك وأدركت أن القلوب بين
يدي الرحمن واستوعبت إن كل شيء بينتهي و إنك في مرحلة
ولسه مستتيك مراحل كثيرة أوي .. منظورك للدعاء وللإستجابة
هيفختلف .. بالمناسبه آية الدعاء دي نزلت بعد آية شهر رمضان

(شَهْرُ رَمَضَانَ الَّذِي أُنْزِلَ فِيهِ الْقُرْآنُ هُدًى لِّلنَّاسِ)

لأن فرصة إنك تتحول من مجرد عبد .. لعابد في رمضان
وتتعرف على ربك وتعلم تدعي فيستجاب لك .. أكبر بكثير ..
ومفتاح ده (القرآن) .. هدى وشفاء ..

